


BIBLIOTEKA

Zakl. Nar. im. Ossolińskich


XMI


530



1001







ENCOMIA  
DIVI STANISLAI

A

DVOBVS DOCTISSIMIS VIRIS CON-  
scripta, duobus itidem Ill<sup>mis</sup> Heroibus, alterum  
Samueli olim, alterum nunc Bernardo  
Cardinali, Macieiovijs, Episcopis  
Cracouiensibus dicata.

Generoso D. Adriano Criviza

2. Afkand: Musq. Linc. antox. Jct.

OPERA ET STUDIO STANISLAI GROCHOVII  
in lucem edita.

*Laudemus viros gloriosos & parentes nostros in  
generatione sua. Eccl. 44.*



C R A C O V I Æ,

In Officina Lazari, Basilius Skalski,

Anno Domini, 1604.

5.403





Sum mitis, nemo timeat mea cornua iustus:  
Illa bonis non sunt, sunt metuenda malis.

ILL<sup>SSIMO</sup> ET REVE<sup>DISSIMO</sup> PRINCIPI D. D.

BERNARDO MACIEIOWSKI,

S. R. E. CARDINALI AMPLISSIMO,

EPISCOPO CRACOVIE: DVCI

SEVERIENSI, &c. &c.

Domino & Patrono colendissimo,

STANISLAVS GROCHOVIVS

Felicitatem.

**T**Anta semper fuit maiorum nostrorum erga  
D. Stanislaum, communis patriæ parentem &  
Patronum religio, Illustrissime Cardinalis; vt non  
modo priuata, vel publica negotia illius tutelę com  
mitterent: aut eius precibus, apud Deum conciliari  
sibi gratiam expeterent: sed & laudes eius verbis,  
scriptisque ornarent ipsi, vel ad has ornandas alios  
excitarent. Multi propterea extiterunt, qui cum  
vitam integerrimè & sanctissimè actam, magni hu  
ius Patroni; tum eiusdem pro honore Dei, ac pro  
pulchra veritate, pulcherrimum & cōstantissimum  
certamen, verè & splendide extulerunt. Inter hos  
est & Petrus Royzius Hispanus, qui huius sancti vir  
tutes admiratus, in eius laudes excurrit; dicata Sa

mueli patruo tuo opera, magno illi Cracòuiensium  
Præsuli, qui in diebus suis tanquam stella matutina  
refulserat in Domo Dei, & tanquam sol lucebat in  
Patria. Protulit & nostra ætas tam præclari studij  
æmulos, quos inter Simon Simonides magni inge-  
nij, & excellentis doctrinæ vir, cùm multa egre-  
giè scripssisset, laudes quoque D. Stanislai suis Octo-  
nariis summa verborum grauitate, & elegantia, ma-  
gno rerum & sententiarum pondere, persecutus  
est. Hos tibi, ipso præsertim scriptore annuente,  
adiuncto & Royzii carmine, offerre potissimum pla-  
cuit: cùm quòd ei Ecclesiæ cum dignitate præes,  
quam sanctus ille Martyr suo sanguine irrigauit: tū  
quòd magni Patruï exemplo, non solum splendidis-  
simis ingeniis, quale Simonidæ est, sed & mediocri-  
bus delectaris: vt qui & meam quoque de huius  
sancti vita, patria lingua lucubratiunculam, (quæ iis  
diebus lucem aspexit) libenter videris & legeris.  
Patiare itaque, Illustris: Cardinalis, ad gratulanti-  
um voces, ad faustas acclamationes & carmina, quæ  
quisque tuo amplissimo nomini addictus promit,  
gaudens ex hoc augustissimo Cardinalatus tui ho-  
nore, quo te nunc idem Clemens viij. Pontifex Ma-

ximus



ximus ornauit, qui ante annos aliquot B. Stanislai  
sanctimoniam in vniuersum mundum ad omnem  
posteritatem propagauit, has quoque duas lauros  
adiici, me verò clientem tuum vt cœpisti fouere &  
tueri perge. Vale Illustrissime Cardinalis diu felix.  
Crac: ex contubernio Iurisperitorum 28. Iul: 1604.



# SIMON SIMONIDES

## STANISLAO GROCHOVIO

S. D.

**M**itto ad te, ut petisti, Octonarios hosce: olim à me planè adolescentulo scriptos, musteum prorsus carmen, & dignum illa ætate, quos ego, si ad gustum huius ætatis, in qua nunc sum, explore, abijciendos potiùs, quàm tollendos puto: nihil enim in illis agnosco, præter pietatem meram. Sed quoniam à summis viris, qui apud Cracouiensem Ecclesiam sunt, probari atque expeti, & de eis ipsum Illustrissimum Principem Bernardum Maciejouium, orbis eiusdem Episcopum, iam nonnihil inaudiuisse mihi significasti, vel contra iudicium meum, non possum illis esse non æquior. Tibi itaque dantur, tanquam bonæ Lucinæ; ut ex manu tua, vel lucem aspiciant, vel ad tineas redeant, cum quibus hætenus colluctabantur. Verùm hoc à te pro nostra amicitia peto: dum eos, ipsi Episcopo, diuinissimo atque humanissimo viro offeres; ut me quoque simul clientem, & eius virtutum administorem offeras. Vale. Ex prædio Cernecensi Kal. Iulij. Anno M. DC. IV.

Sanct:

# SANCTVS STANISLAVS EPISCOPVS.

**I**NSTITIÆ testem tres iam tellure sepultum  
Æstates, præsul suscitât iste sibi.

Propter oues, pastor, rabidi cedit ense Tyranni,  
Dum litat æterno pane, meroq; Deo.

Nec satis hoc visum sceleris: non illa cruenta  
Tygridis ingluuies sic satiata fuit.

Difficetur sectus per agros: sed nulla volucris  
Ausa est tam sancti tangere membra viri.

Indicio radij celestis frustra leguntur,  
Concresecunt miro consolidata modo.

Terrea quando facit tam magni membra piorum,  
Quanto animos foueat, credis, amore Deus?

CL. I.







*Non tuacarminibus describi gloria nostris,  
 Non pia vita satis, non sacra facta queunt.  
 Norunt te cuncti, totus te suspicit orbis:  
 Et pleno laudes, concinit ore tuas.  
 Ut tibi sint similes alij, cœlestia flecte  
 Numina: concilia cœlica regna tuis.*

CHRISTO: KOTSKI.

# SIMONIS SIMONIDÆ DIVVS STANISLAVS.

## OCTONARIVS I.

SÆpe diuifit meam  
Mentem, huc & huc alterna cogitatio,  
Quæis prima honorum iudicio intrepido  
Ornamenta referrem.  
His ne, qui isto gloriæ,  
Vulgi non taciti ora ventilante  
Igne succenfi, atque auidi populos  
Imperia oftentare per omnes,

## OCTONARIVS II.

Militum ferocibus  
Nimbus redundantes, procellam ferream  
Belli, in remotas euomerent regio-  
nes, vrbesque virosque,  
Cultaque arua, incultaque,  
Sceptrorumque potentias, cruento  
Turbine ad se corriperent, domini  
Terribiles latè atque opulenti.

### OCTONARIVS III.

Anne iis, qui pectora  
 Tranquilliora nacti, alumni pacis, &  
 Concordiæ, vnam iustitiam studio  
 Exercere fideli  
 Pergerent, ad commoda  
 Non priuata adeò sua, vt suorum  
 Ciuium attenti, placidi, æquanimis,  
 Non cupidi iacturæ alienæ,

### OCTONARIVS IIII.

Pauperum æquè ac diuitum  
 Recti æstimatores, superbis asperi,  
 Iniuriosorum & mala agentum hominum,  
 Nequaquam tolerantes,  
 Non maligni mitibus,  
 Legum solliciti, Dei timentes,  
 Quos velut sacrum iubar aspicere  
 Cuncti aueant, & libero amore

### OCTONARIVS V.

Diligant, soli mali  
 Exhorreant. donec stetit tandem mihi  
 Sententia hæc fixa, vt modicum melius  
 Iusto ausim memorare,  
 Ferreumque postputem  
 Æuum vulnificum, aureæ quieto



Seculo astrææ: tua enim tua me  
Edocuit mens denique sancta,

OCTONARIVS VI.

Præfulum ô Stanislae  
Selecte flos, Poloniae vnicum decus,  
Qui postquam eam in sortem, haut sine consilio  
Nutu cuncta mouentis.  
Numinis, vocatus es,  
In qua olim Samuel stetit sacerdos,  
Aut Natam, Regem hic cythara hymnisonæ  
Nobilem apud, regem ille priorem,

OCTONARIVS VII.

Tu Boleslaum autem apud,  
Cracouia in pulcherrima, Pastor bonus.  
Non hoc fategisti, vt tumidus titulis,  
Torrensque ambitione,  
Cum satellitum grege  
Regum purpureus perambulares  
Atria, aut auri furia tus amo-  
re improbo, egenos pauperum in vsus

OCTONARIVS VIII.

A pijs relictâ auis  
Dona, in crumenas conglobares perfidas,  
Centum pauori vectibus oppositis,  
Praua olim vnde nepotum

Gens, solutæ promeret  
Vitæ materiam, & malè aggregata  
Perderet peius, misero in strepitu  
Luxuriæ, mensisq̃ue caducis.

OCTONARIUS IX.

Nil ei modi tibi  
Gestum; neque superbiuit hæres de tua  
Splendente gaza. at continuò officii  
Concessæq̃ue supernè  
Prærogatiuæ memor,  
Urbem te illicet esse cogitasti  
Montibus summis positam, valido  
Præsidio cuius, pōpuli grex.

OCTONARIUS X.

Omnis vltro fideret,  
Securus à rabie luporum, & pabulis  
Pollens abundè; nec minùs intercæ  
Lumen te atque oculum esse  
Principis tui, capi-  
tis vicem regionibus qui in istis  
Præferebat, ritè sciens, tenebris  
Ne temerè obscuris titubaret,

OCTONARIUS XI.

Neuè secum cætera  
Raptaret, incertus viæ, membra, aureo

Illi institisti pandere iter radio,  
Iam vitæ aptè ad amussim  
Lucida innocentia  
(Quæ est certissima norma suasionis)  
Fulgurans, iam flexanimis monitis  
Igne que verborum rutilante,

## OCTONARIVS XII.

Viuidam quassans facem;  
Plerumque creperis fulminans incendiis,  
Veri palàm audax proditor, & scelerum  
Semper cognitor acer.  
Ni sacerdos vera enim  
Ausit dicere, fabitur quis? aut quis  
Obstruet vim nequitiae? aut solidum à  
Non solido æqua lance reuellet?

## OCTONARIVS XIII.

Fixa tùm Boleslao  
Cupido nominis propagandi fuit,  
Sceptri que auri non patiens animus,  
Verùm latius ardens  
Regna frænare extera.  
Non tam sollicitus, bonorum vt esset  
Ciuium rector, numero quàm inhians  
Et patulæ latè ditioni.





### OCTONARIUS XIII.

Ergo bellorum siti  
 Bohemiam primùm, corona montium  
 Clusam penetrare aggreditur; media in  
 Tum parente Polonis  
 Regulum Bohemicum  
 Nactus Sillesia, arua nostra fuso  
 Præmiantem milite, quem leo ceu  
 Feruidus, imbellem hinnulum opima

### OCTONARIUS XV.

Prata lasciuo pede  
 Temere impetentem, ipso illico aspectu in fugam  
 Ignobilem vertit, tacitum, & tenebris  
 Noctis castra mouentem.  
 Insecutus mox eum,  
 Dum ex libidine non potest potiri  
 Rictum hiantem ultor saturauit agris  
 In profugi prædaque Moraua.

### OCTONARIUS XVI.

Laudem illi eo nomine  
 Tamen damus. nam bella, iusta causa quo-  
 rum est, quæque iniquam vim fieri prohibent  
 Vitæ aruisque suorum,  
 Seruitute aut barbara  
 Pressos eripiunt, crucisque Christi

Gloriam

Gloriam strataim reparant, moueat  
Qualia si quis nunc domitorem

OCTONARIVS XVII.

In Tyrannum Græciæ,  
His iure laus danda est sua, & diuinitus  
Optanda merces, cætera si quo alio  
Conatu iustituuntur,  
Pessimis nil differunt  
Latronum artibus, vt marinus olim  
Prædo, prædoni orbis, Ego, inquit, inops  
Lembo homines, tu classe trucidas.

OCTONARIVS XVIII.

Gens fidem deîn Prusica  
Frangebatur, excutere iugum Polonum auens,  
Ac Pomeranum depopulabat agrum,  
Prædis improbè onusta.  
Iusta item Boleslao  
Hæc sumpta arma in eam, nec absuit for-  
tuna. vbi victoria dedocuit  
Pondere in armorum, tunicisque

OCTONARIVS XIX.

Æreis, spem ponere  
Gnauum Polonum militem, sed fidere  
Dextræ expeditæ, & corporis egregiæ  
Virtuti, ac leuitati;

Indeq;

Indequ exemplum datum  
Armaturæ habilis diem hunc ad vsque.  
Martium nostrorum animum Vngaria  
Non minima mox clade, Tibisci

OCTONARIVS XX.

Littora experta est apud,  
Boleslai pulcherrima cum gloria.  
In Russiam vnde itum, quam animo penitus  
Rex multo ante vorabat,  
Castraque ad Kiouiam,  
Vrbem tunc opibus fluentem & auro,  
Luxuique obnoxiam (opum soboles  
Quæ est genuina) admouerat, ista vrbs

OCTONARIVS XXI.

Victa, vicit nos quoque.  
Non id statim quidem, sed hamum esca velut  
Tectum dolosa primitus obiiiciens  
Gustandum, nociturum  
Post nimis, dentemque in os  
Fixurum, siquidem lepore per-  
pto voluptatum, inter amæna loca,  
Deses ibi æstatem atque hyemem rex

OCTONARIVS XXII.

Traxerat cum milite,  
Ad turpe totus prostitutus otium:



Cor foeminarum forma auidum satians,  
Structurisque epularum  
Haud viriliter fauens.  
Mens mi pendet, eamne inesse dicam  
Vim voluptati & rigidissima qua-  
que ut sibi possit corda virorum

OCTONARIUS XXIII.

Blanditer substernere &  
Prauæ anne mentes solùm ad illam, grex velut  
Muscarum odorem ad mulsi alacri strepitant  
Ala, hærentque retentæ &  
Quem momordit vipera hæc  
Nunquam, proximus hic Diis: nec ille  
Prorsus infelix, saniem penito  
Qui potuit corde expuere haustam.

OCTONARIUS XXIII.

At perennat pestis in  
Quo, is vero viuit omnium miserrimus.  
Ex tertio isto (proh patriæ opprobrium  
Foedum) coetu vtinam tu  
Non fores Boleslæ.  
Posses sic vtinam imperare telo  
Prauо amoris, prælia vt indomitus  
Dux simul & miles probè obibas.

OCTONARIUS XXV.

Sed pusilla hæc remmora  
Fortissimam mentis tuæ cepit ratem,  
Merfitque, non id protinus, at spatio  
Post non longo. etenim haustus  
Fluctibus ceu qui est, ope  
Natandi manuumque destitutus,  
Iam licet languens pereat, rapia-  
turque maligno pondere ad ima,

OCTONARIUS XXVI.

Vltimum robur tamen  
Vsq̃ue excitat, aquis emicans identidem.  
Lasciuia, sic mens tua rapta semel  
Vndis, quanquam ope prorsum  
Destituta omni, tamen  
Maiori reditura nempe mole  
Fluctuum in fundum, emicuit, locaque  
Deseruit paulisper iniqua.

OCTONARIUS XXVII.

Nam retro Præmissiam  
Cincturus obsidione abiisti, inde item  
In proximam iuxta Vngariam exiliens,  
Hicque illicque secundo  
Rem alite egisti, simul  
Virtutis statuens trophæa, miran-  
dam simul laudem referens celeri-  
tatis, vt Audacis quoque nomen

## OCTONARIUS XXVIII.

Publicum ferres, satis  
 Beatus, ad Kyouiam reciproco  
 Inflexu habenæ, præcipitem nisi te  
 Rursus fors reuocasset.  
 Profuit semper mali  
 Declinasse alimenta blanda morbi,  
 Et loci plerumque noui facies  
 Restituit iam iam moriturum.

## OCTONARIUS XXIX.

At tu in ardentem prope  
 Flammam dedisti denuò saltum, doli &  
 Tabis locorum non memor, aut etiam  
 Pronus sponte sequaxque.  
 Res fidem est omnem supra  
 Nec accepta memoria vlla auorum;  
 Omnis electissima nobilium,  
 Quotquot opimo tum vberè glebæ

## OCTONARIUS XXX.

Vitam alebant Lechicæ,  
 Cum rege bellatore latè iuit cohors,  
 Munitiones Volhinia populans,  
 Russisquè vltima necens  
 Vincula, septenosquè ibi  
 Coniugumquè domusquè liberumquè

(Tantus armorum ossibus arsit amor)  
Immemores hæfere per annos.

OCTONARIVS XXXI.

Ipse Rex vel maximè  
Kyouicis iterum illecebris redditus,  
Roburque sensim militis, indecori  
Exemplo, rapiens ad  
Criminis commercium  
Idem. Nam pede præuio quâ iter Rex  
Primus incessit, populus subitò  
Impete denso illuc amat ire.

OCTONARIVS XXXII.

Non laboriosa apum  
Quæis certa sedes aluearis condita est  
Examina ausint deterius, proprio  
Si spreto lare, victu  
Se efferent erroneo,  
Expugnent que aliena, in exteroque  
Hæreant, oblita operum, & veteris  
Hospicii, foetusque relictæ.

OCTONARIVS XXXIII.

Sed rates vt nauita  
Vnus duas remis simul propellere  
Non est potens, quin hanc moderans, aliam  
Ventis ludibrium det:



Occupati sic foris.  
Dedere ancipiti domos ruinæ.  
Ac leuem primùm arripuit stipulam  
Ignis edax, grassatus inermum

OCTONARIVS XXXIII.

In pudorem coniugum,  
Toriq̃ue sèpimenta. neque id iniuria,  
Namque est morarum non patiens mulier,  
Tum vltix sæua, fidem nī  
Seruet olli vir suam.  
Fama qualia multa inaudiebant  
De suis : atque hinc sceleris similem ad  
(Pro dolor) ærumnam exilūere,

OCTONARIVS XXXV.

Atque adulter accitus  
Vicem in mariti. itidem audientibus viris  
Non admodum hæc accepta fuere, etenim  
Nequam sit licet ipse  
Vir, tamen vicarij  
Nequaquam est tolerans. doloris ergo  
Inuicem læsi grauibus stimulis,  
Per media vrgentis quoque brumæ

OCTONARIVS XXXVI.

Frigora altas & niues  
Incendium ad domesticum, pernicibus

Fusim frementes emicuere in equis.  
Iuuito atque vetante  
Rege, & atroces minas  
Attolente, adeo vt subinde cunctis  
Ad sua elabentibus, ipse quoque  
Ad sua sit migrare coactus.

OCTONARIVS XXXVII.

Plenus irarum, & siti  
Magnæ ultionis feruidus, torrens velut  
Amnis, quem ab altis montibus immodicam  
Vim vndæ præcipitantem,  
Machinis ac molibus  
Iactis, agricolæ amouere certant,  
Ille victis omnibus aggeribus  
It populans læta arua fatasque

OCTONARIVS XXXVIII.

Spes boum & mortalium:  
Quid ? principum fortissime, quid ? auditane  
Vnquam tibi vox Romulidæ egregij ?  
Qui se malle ferebat  
Ciuium vnum sospitem  
Seruatum dare, mille quam peremptos  
Hostium ? flammæ anne modo, imperia  
Quæque vorando amplissima, reris

OCTONARIVS XXXIX.

Te beatum & munere  
Functum tuo ? quæ vnâ simul domum attigit,  
Vicina sorbens culmina continuo,  
Tota incendia mittit  
Vrbe, nil post se, horridam  
Præter vastitiem, nigrum quæ fumo  
Rudus, & foedas cineris, miseri  
Reliquias, luctum quæ relinquens.

### OCTONARIUS XL.

Nulla enim maiora sunt  
Incendia humani generis, absumpta quam  
Morum atque legum sobrietas, odium &  
Virtutis, neque Princeps  
Sceptra habet diuinitus  
Vlla ex causa alia, quam vt optimos &  
Incolas, quondam superum patriæ  
Euehat, iniunctos sibi ciues.

### OCTONARIUS XLI.

Nec tam honos quam onus mage est,  
Rempublicam qui sustinet : pensanda quæ  
Mens rite, quo quid proposito aggredimur,  
Dextronè an né sinistro,  
Iacta nec fundamina  
In mera ambitione, sustinere  
Pondus, aut structuram aliquam eximiam  
Conspicua possunt rationis.

### OCTONARIVS XLII.

Tetra quæ porro sunt  
Dictu, abstinēbo, habēnam enim linguæ haut decet.  
Laxare ad obscæna. illud agam expediens  
Duntaxat, quibus actus  
Non bonis factis, bonus  
Præsul, cui memorem ferens honorem  
Pango dicta hæc qualiacunque hodie,  
Post habuit Maiortia quæuis

### OCTONARIVS XLIII.

Gesta felicissima  
Tua, & triumphos quosque splendentissimos,  
Gentesque regno, & multiplices populos  
Partos fortibus ausis.  
Rideant hoc plurimi,  
Sed vulgus preciosa quæ æstimauit,  
Mox refutat vir sapiens. quis enim  
Maxima post tot functa duella,

### OCTONARIVS XLIV.

Post tot insignes rela-  
tas hoste non de vno palam victorias,  
prouinciarum postque tot accumulā-  
tas circum ditiones,  
Crimen vnius frequen-  
ratum adulterij, aut fori remissum



Iure dicundo officium, aut solitum  
Præter auara exacta tributa.

### OCTONARIUS XLV.

Hæc quis, inquam, strenuo  
Vsq̃ue adeò regi sponte non concederet  
Aut non putaret magnanima omnibus his  
Gesta eius potiora  
Solut hoc Stanislaus  
Non sensit, propè tantum opinione  
Discrepans vulgi, iaculator habi-  
lis, posito qui spicula signo

### OCTONARIUS XLVI.

Certa figit, quantum abest  
Ab eo, qui in auras mittit incassum, inscius  
Metæ expetitæ, sed temerè iaciens  
Ludo falsus inani.  
Bella enim considerans  
Pacis fine geri, & bonum à Tyranno  
Principem hoc distare, suos spoliet  
Hic vt, & istum in maxima quæque

### OCTONARIUS XLVII.

Facta dirigat scopum,  
Illustri vt foris, timendus sit domi,  
Passimque quouis se saturet scelere,  
E contra ille salute

Nil suorum antiquius  
Ducat, nil mage curet, hostibus quam  
Vt sit horrore, domi amorem habeat,  
Nec studio vnquam excedat honesti.

### OCTONARIVS XLVIII.

Tum seuerè gentium  
Ipsū Magistrum edicta pangentem audiens,  
Infidi & execrabilis in loco habendum,  
quem cura suorum  
Non penetret, tantū abest  
Vt prædam statuat suos sibi quis.  
Veritatis præterea indubia  
Voce palam promendæ & habenis

### OCTONARIVS XLIX.

Insolentiæ opprimenda,  
publicum munus sibi meminens datum,  
Dextraque pastorale pedum gerere,  
Non solius honoris  
Aurei ergo, se extimans,  
Verū ob vitam ouium, & necem luporum,  
Liber inconcusso animo facinus  
Orsus in omne æuum memorandum.

### OCTONARIVS L.

Regis illico forem  
Adit, grauiaque multa dictu, illius in

Aurem

Aurem intimam profatur, honorificè  
Primùm abducere cæptis  
Tristibus secretum auens,  
Vt qui non faceret calore quoquam  
Oggerendæ ignominia, potius  
Publicæ opis fluxæ recreandæ,

### OCTONARIVS LI.

Regiæque dignita-  
tis in suum decus reponendæ. placi-  
dos quippe, lenesque esse pedes voluit  
Vitæ ipse optimus auctor  
Nuncia edentùm sua.  
Non semper quidem id, ad flagella quando  
Ipsemet dextram tulit acrem aliàs  
Res vbi verbis nequirit vltro

### OCTONARIVS LII.

Decidi salubribus.  
Quod pertinaciter Boleslaus quoque  
Pertendit, indignantem vbi que obiiiciens  
Dictis præsulis aurem,  
Ferreumque exasperans  
Cor. chalybs velut, ardor æstuantis  
Quem camini vi calida immodicè  
Imbuit, humentem properè si

## OCTONARIVS LIII.

Forcipe intinguatur in  
 Scrobem, sonoro se trucidat protinus  
 Clamore, & haurit duritiem indomitam,  
 Clara feruidus vndas  
 Turbulentia increpans.  
 Idcirco tamen haut remisit ille, at  
 Perseuerauit, repetens iterum  
 Atque iterum, crebrò & congrua fandi

## OCTONARIVS LIIII.

Tempora vsurpans catus.  
 Donec bonis nil profici dictis videns,  
 Ad duriores serior vsque etiam  
 Se se contulit artes,  
 Intonans ardentibus  
 Præceptisq̃ue minisq̃ue, publicoq̃ue  
 Plurimum coram facie opprobrio.  
 Denique, deplorata quod olim

## OCTONARIVS LV.

Vltimi demum vice  
 Remedi aduocari in corda solet, Ecclesia  
 Consortio almo in decorem prohibet,  
 Arcetq̃ue omnibus aris,  
 Templaq̃ue in silentium  
 Dat, dirisq̃ue caput sacrum esse mandat.



Hic mihi hic te expergeface, ô anime,  
Hic noua fulcra, alasque recentes

### OCTONARIVS LVI.

Indue, ipsas sub poli  
Nubes secuturæ, arduam, fortissimam  
Mentem, caduca hæc, nata neci, omnia, ni-  
su excelsa exuperantem,  
Veritate proque pul-  
chra oblitam decorisque sanguinisque.  
Prodigamque vltro venerandæ animæ, &  
Spontè timores obuiam in omnes,

### OCTONARIVS LVII.

Vnico sub numinis  
Timore. sed non ante portu te tuo  
Consistere est fas, quam geminum socies  
Cœpto pollice honorem,  
Russicæ ad lyre fidem,  
Insignem Ambrosium simul frequentans,  
Atque eadem ex sorte Theodosij  
Concelebrans fastigia pressa,

### OCTONARIVS LVIII.

Dispari euentu. neque  
Enim negotium est simile tractabilem  
Versare ceram, & tundere vim manuum  
Cautem altè renuentem.

Arduis superbia  
Non semper volitat locis, frequenter  
Nidulatur sede minore etiam,  
Pallia que inter sordida turget.

### OCTONARIUS LIX.

Conferat Boleslaum  
Quis cum Theodosio, ille formicas erit  
Inter, leonum hic in numero, dominus  
Quâ sol aspicit orbis.  
Mentis at submissio  
Tanta, vt de grege plebis esse dicas.  
Pœnitentum in turba humilem, sceleris  
Lugubriter commissa piantem.

### OCTONARIUS LX.

Aufus indignum nefas  
Nam cùm esset, innocente sanguine imbuens  
Ensem cruentum, non tulit Ambrosius  
Auso impune potiri,  
Verum adulta fortiter  
Confestim obstitit increpatione,  
Factum in os vsque impropersans, aditu-  
que eiiciens & limine templi.

### OCTONARIUS LXI.

Omnibus non digna ea  
Tum visa, solum principem præter, hominem

Qui

Qu i se pusillo vel nihilo potius  
Maiorem ineminerat  
Cæteris; porro Dei  
Ministram Ambrosium videbat, esset  
Cui potestas interimendæ animæ  
Credita, quam ipse in corpora haberet.

### OCTONARIUS LXII.

Tum quod vrgebat magis  
Constabat Ambrosii integerrima mens apud  
Illum, remota omni ambitione, siti  
Nulla auri temerata,  
Non adulando procax,  
Non infracta timore, veritatis  
Sed tenax iuxta atque sciens, superum  
Ad placitum intentissima vbique.

### OCTONARIUS LXIII.

Ergo fecundæ velut  
Terræ solum, quam tristè presserat gelu,  
Præteruolantem almi ad Zephyri sonitum,  
Molli continuo aura  
Se resoluit, & sinu  
Vigorem genitabilem refundit,  
Lætæ vernanti vberè & omnigenum  
Luxurians in floris honorem

### OCTONARIUS LXIV.

Inclutum

Inclytum Theodosj

Sic pectus, aspra non nihil vitii hyeme  
Pressum, salubrem ad fortia per monita  
Flantis præfulis auram,  
Protulit vernans decus,  
Fructusque ingenuos dedit doloris,  
Floridum latè vberibus lachrimis  
Inque nouum virtutis amorem

OCTONARIVS LXV.

Transditum; vt sententiam  
Relinquat in suspenso, vter locum occupet  
Laudis priorem, magnanima anne adeò  
Libertate sacerdos  
Tantum agens in principem?  
Princeps anne adeò se obedientem  
Adstruens illi? paribus veniant  
Anne trophæis ambo colendi?

OCTONARIVS LXVI.

Rariorem Phœnice  
Nullam alitem æther nutrit: ast ei modi  
Regis sacerdotisque minus locuples  
Multò copia prompta est,  
Indies mortalium  
Vita in deterius ruente. Quid dum?  
Quid mihi motu micuisti anime  
Insolito? quis te pavor anceps



# OCTONARIVS LXVII.

Transmeat ⁊ quæ degener  
 Externat hæsitatio ⁊ iamiam hicce te  
 Rerum institutis suefcere non leuibꝯ  
 Vultu peruico oportet,  
 Iam pati non mitia.  
 Non omnes eadem fauentia effert  
 Numinis; non, si Ambrosius potuit,  
 Isdem animis, & pectore eodem

# OCTONARIVS LXVIII.

Noster effectum dabit  
 Stanislaus, vita illi emenda veritas;  
 Vita litandum nomine pro innucua  
 Libertatis & æqui.  
 Sed neque hanc tamen vicem  
 Dici fas miserum, omnibus beatum  
 Quin modis, cui ferre aliquid licuit  
 Vulpificæ illius crucis, ad quam

# OCTONARIVS LXIX.

Nos ferendam sedulò  
 Inuitat, ipse baiulans prior crucem.  
 Christus redemptor, spinea, mortifera,  
 Clauis fixa cruentis  
 Serta post, ad gloriæ  
 Æternique vocans coronam honoris,

D

Aureo q̃;

Aureo quæ altos solio, ipsa supra  
Sydera, cælestum quæ reponens

OCTONARIUS LXX.

Confitas stellis domos.  
Te verius te nuncupo Boleslæ  
Omnes supergressum numeros miseræ  
Fortunæ & rationis,  
Qui velut sternax equus,  
Frænorum impatiens, ferox maligne  
Sessili tergo, domitorem equitem  
Officio tractare fideli

OCTONARIUS LXXI.

Te volentem, & cursui  
Recto benignè comparantem, in aspera  
Saltu nefando saxa procul, procul in  
Conualles quæ fragosas  
Detulisti, non sine  
Sæua strage tua, ah miser, quo abis & quo  
Quos maniplos ire iubes & quid eum  
Tam celer ipse insurgis in ensen

OCTONARIUS LXXII.

Ante sed, præludia  
Furoris huius quæ dedisti exordio,  
Percensere hîc non est operæ precium.  
Momenti licet illa

Non

Non minuti sint quoque :  
Auri nempe potentia in tam acerba.  
Plurimis quæque ut leuius veniant  
Damna pati, dispendia lucri

OCTONARIUS LXXIII.

Quàm pusilla. busta ubi  
Calumniam contra tuam Stanislao  
Et Petricus (proh mira fides) cinere  
Busti excitus ab ipso,  
Adfuit ferens opem.  
Hæc quis falsa putat, sua ex dolosa  
Metuens virtute Deo placitos.  
Sed facibus quâ incessit iniquis

OCTONARIUS LXXIII.

Inuidus, contrariam  
Fomo boni fundunt aquam. Vir innocens,  
Qui se suo fundat pede, non temerè  
Tollit laudem alienam :  
Credulus quin ampliat  
In multis aliis amans, quod in se  
Ipse sentit. verum ita si libitum  
Inuidiæ, sunt ista minoris

OCTONARIUS LXXV.

Nec fatis firmæ notæ.  
At mortis haustus impigerrimè calix,

Vitaque consignatus amor solidæ  
Cis fraudem pietatis,  
Quapiam ne vltra premi  
Potest suspitione criminandi?  
Omnium iactura habilis facile  
Rerum, animam impendisse supremum est.

OCTONARIUS LXXVI.

Ausus id, Boleslæ,  
Vellem haut fores, tuumque non istis malis  
Nomen veniret commemorandum hodie.  
Nam quis malit amara hæc  
Dicta? quàm cum laude melior  
Verum iustitiæ trutinæ præsto  
Esse vati debet amica bonis  
Parturiens, contraria prauis.

OCTONARIUS LXXVII.

Mortuus Stanislaus  
Pulcherrima pro veritate manu tua est,  
Exceptus ipsa altaria apud, calicem  
Cælestem superis tum  
Ore prælibans sacro.  
Cruorem ut propè cum cruore Christi  
Funderet miscens proprium, nouaque  
Ad celebrem procumberet aram

OCTONARIUS LXXVIII.

Victima



Victima, acceptissima  
Iuxtà atque preciosissima superum patri.  
Damnosa sed prorsum tibi. nec satis hoc  
Quippe amens habuisti,  
Vt furem impingeres  
Diuo ensem in caput, & propinqua saxa  
Spargeris circùm calido cerebro.  
Quin patriæ summo velut hoste

OCTONARIUS LXXIX.

Proruto, cadauer in  
Exanime sæuisti miseriter, alitum  
Turpi gulæ, rictisque canum eiiciens  
Frustratim laniamen  
Comminutum, improuidus,  
Enectos etiam fame leonum  
Nosse ventres parcere mente viris  
Innocua viuentibus, & se

OCTONARIUS LXXX.

Labe continentibus  
Omni. quid est cernisne pendulum polo  
Agmen volucrum hoc officio insolito  
Casi membra tuentum  
Colligant quæ mox pii  
Mythæ, vltro reditura pristinos in  
Corporis nexus; quod item haut facile,  
Degener vt quisque est magis credat.

OCTONARIVS LXXXI.

Sed nepotum turba post  
 Melior, sepulchri honore seruet aureo,  
 Structisq̃ue sanctis ædibus accumulet,  
 Certatimq̃ue tabellis  
 Fixa contestantibus  
 Vota insigniat, atque opis benignæ  
 Nuncupet certum auxilium dubiis  
 Rebus, & obnixissima figat

OCTONARIVS LXXXII.

Oscula ofsibus sacris.  
 Adhuc feror. licet peritus non fatis  
 Ceu textor absolutam operam ante pe-  
 pli, subrumpere filum,  
 Protrahendum longius,  
 Iam iam comeditans: erit canendi  
 Aptior fortè hæc aliàs etiam  
 Copia & acrescens cum tempore virtus.

OCTONARIVS LXXXIII.

Tu mihi salue interim  
 Beate sanguis, te te ego nisi omnibus  
 Præpono gavis, omnia posthabeo  
 Soli ni tibi regna,  
 Deferat me cor meum.  
Tu nex perniciēsque gannientum ad

Gratiam,

Gratiam, tu firini animi specimen,  
Tu columnen, veri que sequester,

OCTONARIVS LXXXIIII.


Præsulum pulcherrima  
Imago tu. ad quam splendidi delineent  
Vitæ colores quisque suos. tibi me  
Si fas deuoueo ipse.  
Æmulari in maximis  
Parui si quid habent, minuta prorsum  
Nec mari magno leuibus tabulis  
Nauigia arcentur dare cursum.



THE UNIVERSITY OF CHICAGO  
LIBRARY

EX-1111

THE UNIVERSITY OF CHICAGO  
LIBRARY  
1215 EAST 58TH STREET  
CHICAGO, ILL. 60637  
TEL. 773-936-5000  
FAX 773-936-5001  
WWW.CHICAGO.EDU





AD VIRVM ILLVSTREM  
S A M V E L E M

EPISCOPVM CRACOVIENSIVM,

ET SVPREMVM IN POLONIA

Cancellarium:

PETRI ROYZII MAVREI HISPANI CEL-  
tiberi Iurisconsulti, Carmen de sancto  
Pontifice cæso, siue

S T A N I S L A V S.

**S**Æpe ego, qui cecini magnorum gaudia quondam  
Heroum : soluique animos, & carmine læto  
Mente procul pepuli curas : nunc tristia moestus  
Funebribus plangens numeris exordia sumam.

Aspira, magne ô Samuel, mihi suffice carmen  
Præfidiis, velut ante, tuis : & funera flenti  
Ante tui cessoris ades. seu templa Deorum,  
Augusti seu celsa tenet te curia regis,  
Inclyta Sarmatici moderantem iura Senatus.  
Siue tui rerum vacuus Prædnicis ad vndam  
Fronde super viridi recubas : & tecta superba  
Miraris tua, sydereo quæ tollis Olympo.

id est

E

Qui

Qui te cumq; tenet locus, adsis : flebile sancti  
Pontificis funus dicam , qui cæsus ad aram  
Ob Christum templique decus, laniatus & artus,  
Infandum, Regis dextra : sparsusque per auras  
Alitibusque feris datus esca : fit integer olim,  
Extemploque suo coierunt membra tenore.

Christe mihi causas memora , quibus excita quodam  
Ira Boleslai exarsit : cur Regia dextra  
Cæde Stanislaum crudeli obtruncat ad aras  
Pontificem tantæ ne animis Regalibus iræ ?

Iustus erat præsul, quo non præstantior alter,  
Ore cedere viros, animosque attollere cælo :  
Sarmata Sauromatas inter sanctissimus vnus ;  
Fama ingens, factisque : tuus Cracouia præsul.  
Ast quem læta suum Scepanouia iactat alumnum :  
Tantum nacta decus felix Scepanouia tellus,  
Non illo quondam populos errare magistro  
Fas erat : aut diuis colere impia fana relictis :  
Non vitijs onerare animas, non crimine vitam  
Polluere, & tacito versare in pectore fraudes.  
Insidias struere, & mensas temerare veneno.  
Non odisse suos, iramque laceffere diuum :  
Turbatis sacris & religione vetusta.  
Non fas ignotos sine præfule figere ritus ,  
Et morem templis audere imponere diuum :  
Sanctior ac æui quæ gens tulit illa prioris,  
Quæque hodie vasti sequitur pars maxima mundi ,

Arbitriis

Arbitriis mutare suis : & sola putare  
Recta, placent vni populo quæcunque profano.  
Contemptisq;ue nouos patribus præscribere cultus ;  
Sit tanquam afflatum meliori numine vulgus,  
Ceui rigeant procures : sit flamine plena Deo plebs.

Qualia monstra gemens nostra ægre sustinet ætas :  
Iactatusq;ue sacer tot tempestatibus ordo.  
Tuq;ue adeò Romane pater, cui terra fretum q;ue,  
Cui styx mortali, melior cui paret Olympus :  
Indignans late spoliatis aspicias aris.  
Sarmatiamq;ue doles tantum in discrimen iisse  
Sæcrorum, male vicinus quam perculit error.  
Et nisi nos tandem cælo Deus æquus ab alto  
Respectet miseros, frustra tua fulmina torques :  
Æternasq; neces & nigra minaris auerna.  
Viueret ô vtinam, & vitales carperet auras :  
Perpetuumq; colo Lachesis deduceret æuum.  
Talia non illo molitus Sarmata quondam  
Pontifice est, Saxo arua licet vicina teneres :  
Saxo nouæ assertor pietatis, & improbus auctor :  
Diuini Saxo verbi importunus adulter.  
Urgebat dictis populos, iussisq; premebat :  
Ore potens præsul, vitaq; verendus honesta.  
Regem ille ac populum nullo discrimine habebat ;  
Numina lædentem, sic carpere suetus vtrumque,  
Effet vt vpilio Regi par : purpura nullos  
Principis, aut maius facinus sentiret honores.

Quin sæpe in Reges maioribus excitus iris  
Antistes ruit, ac verbis exarsit acerbis :  
Crudelis læti fuit Olli vnde omnis origo.  
Quippe Boleslaum, gentis qui sceptræ Polonæ  
Sauromatum late populorum & regna tenebat ,  
Dum carpit præsul, magnifq; licentiùs ausis  
Increpat : exuere & vitiis, & crimine tentat :  
Quo se Rex, quoq; augustos fœdarat honores  
Plurimus, impleratq; odiis vrbesq; , domosq; ,  
In se se : atque sui oblitus Diuumq; hominumq; ,  
Quicquid erat nil Rex vitiorum liquit inausum.

Quid memorem ciues cædentem, vrbeinq; suorum  
Sanguine fœdantem, populantemq; omnia ferro ?  
Matres, infandum, (quod postera nesciat ætas)  
Abiatis gremio natis, fugenda ferarum  
Vbera dant catulis : sæuo cogente tyranno.  
Hæc bonus Antistes dum iusta percitus ira  
Castigat, Regemq; iubet meliora monenti  
Parere : & facilem voces audire Deorum,  
Illius in se se exacuit crudelia corda :  
Armauitq; manus. at non tamen abstinet audax  
Incepto, videat quamuis sibi dira tyrannum  
Fata parare : necemq; atrocem & funera sæua.

Ergo secreto non iam Regem admonet ore,  
Sæpius indigne Regali pulsus ab aula :  
Publica non iam vox sat erat, non carmina dira,  
Quæ in ditis mittunt hominem pallentia Regna,



Exortemque boni faciunt, vitæque beatæ.  
Facto opus est. templis Diuum, atque altaribus arcet  
Regem infelicem, conclusis vndique valuis:  
Qua Rex it, gressumque infert in templa Deorum.  
Talibus in Regem præsul fortissimus vsus,  
Tantum vindex scelerum, vitæque nefandæ:  
Qua se Rex, quaque Augustos foedarat honores.

Ille autem accensus furiis, victusque dolore,  
Tantum Pontificis tolerare haud iam potis ausum:  
Multorum victor populorum ô, inquit, ab vno  
Sacrifico vincar? me, quem Scyta, quemque Valachus,  
Quem Moschus tremit, & quicquid stans aspicit arctos,  
Imbellis pulsat manus, atque altaribus arcet  
Diuum, conuentuque hominum, mihi dira minatur  
Excidia: infernosque ignes, mortemque perennem?  
Ah ego, qui nuper Ruthenum Marte subegi:  
Austriacasque arces, & fortis castra Moraui  
Ense tuli: quo Pannonius victore tyrannus  
Purpuream fundens animam terram ore momordit.  
Scilicet hæc patiar? dum ferrum dextera & arma  
Sustinet? & non sacrificum hunc, non hoc caput audax  
Dedo neci? pedibusque meis in vulnera curro?  
Dedo neci, manibusque meis in tartara mitto?  
Non mihi lux hæc, non cælo sol ante voluto  
Occidat, & stellas accendat in æthere vesper:  
Quam caput illud ego scapulistergoque reuello;  
Inuisum caput, & merita me me expleo cæde.

Eheu Rex demens, facinus qui cogitat atrox:  
Pontificem templis aptum meliora monentem  
Sacrilega violare manu, sanctumque cruorem  
Fundere, & armata moliri funera dextra:  
Quin melior monitus Antistitis audiat vltro,  
Et miserandam animam scelerato crimine soluat,  
Nec se præcipitem sub aperta pericula mittat.

Sed non sponte sua iam Rex miser, atque suis it  
Arbitriis: agitur furiis, & turbine mentis  
Huc atq; huc fertur, nec se ratione gubernat.  
Quo furor impellit demens, & tristis Erynnis:  
Quo rabies malefuada rapit, sine ducitur vllis  
Consiliis: hominum non hunc metus, atq; Deorum  
Incepto retrahit: parat arma, & milite sæuo  
Cinctus it in cædem: mora longa fit omnis eunti.  
Stat quocunq; loco, quacunq; occidere sede  
Pontificem, atque animam scelerato abrumpere ferro.  
Vlli non hominum, diuumue pepercerit ans.

Forte Stanislaus Gracchi extra mœnia præsul  
(Omnia namq; illic ob regem templa filebant)  
Sacra Michaelis parua faciebat in æde:  
Post urbem, Casimire, tuam, qua se Istula findit:  
Alluit & mistum diuiso flumine ciuem.  
Huc actus furiis Rex fertur, & impete magno  
Templa Dei subeat, sed misso milite, sacra  
Pontificem iubet æde trahi, tractumq; necare.  
Sat visum templis diuorum arisq; dedisse,

Si non pontificem sacra obtruncaret in æde.

It miles dicto parens, & iussa capessit :  
Templumq; ingressus sanctum, tracturus ab ara  
Pontificem : diuumq; adytis, quis numina lædat ?  
Ter miles vim ferre parat, ter concidit amens,  
Attonitisq; animis it verso poplite retro.  
Nil tamen hoc Regis sæuissima corda furentis  
Mitescunt magis, aut dextra cadit ultor acinax.  
Quin magis indignans, dira ceu pulsus Erynni,  
In templum frendens ruit : obiurgatq; morantes  
Armatos, refides animos, imbellia corda  
Exclamat, qui non iam dudum ex æde reuellant  
Pontificem : & sacris operantem cæde cruentent.  
Succeditq; operi scelerato, & fertur in hostem  
Non hostem, infelix sed quem sibi fecerat hostem.  
Dextram iniecturus, iamq; auulsurus ab ara  
Pontificem ; ferroq; virum violare paratus,  
Atq; Deos : retro Rex it. mirabile visu,  
In terramq; vlli non tactus, voluitur amens  
Protinus, immotusq; iacet ceu truncus humi Rex.  
Mox surgens, animoq; resumpto, rursus in aram  
It : ferroq; caput facientis sacra cecidit  
Pontificis, cæsumq; trahit violentus ab ara :  
Ante foresq; necat templi, timuisse putandum est  
Tectorum casum, & præsentis numinis iram,  
Ne se se media vindex in cæde lacunar  
Obruat, & sceleratam animam scelere ultor in ipso

Auferat

Auferat irata dextra Deus, & nece sæua.  
Quasque furens animis violarat martyre cæso,  
Ipse cruore suo sacratas imbuat aras.

Non fatis immani fuerat sæuoq; tyranno,  
Pontificem vita spoliare: & sternere ferro  
Sanctum Pontificem, nisi centum in frustra cadauer  
Ense secet. spargatq; sacratum corpus in auras.  
Ante fores ergo non vno vulnere cædem  
Expedit, offensi quid non facit ira tyranni?  
In partes corpus sæuo secat ense minutas.  
Hinc caput, inde manus, dextrâ hinc, atq; inde sinistrâ,  
Inde pedes, genua hinc, diuellit ab artubus artus.  
Non tergo ceruix, humerisue hæfere lacerti:  
Non cruri femur, auulsis non tibia furis.  
Barbarus vt quondam charo crudele perempto  
Fratre furit miles, fraterna que vindicat ultor  
Funera, & incumbens multa nece sæuit in hostem:  
Vulnera vulneribus geminans atque ictibus ictus,  
Nec se explere potest, dum spiritus artubus vllus  
Palpitat: & motare animam videt eruta membra.  
Præsule non aliter trux Rex se gessit in ipso;  
Trux magis, heu dirus magis, heu truculentus & ille,  
Barbarus ille magis, sectos, vt se expleat, artus  
Discerptumque cadauer agrum iactare per omnem  
Imperat: alituumque escam iubet esse ferarum.

At Deus omnipotens cælo demisit ab alto  
Terribiles rostris aquilas atque vnguibus vncis  
Quatuor,



Quatuor, à totidem cæli quæ partibus artus  
A litibus seruent auidis, & vulture pulso.  
Visa quoque in noctem medio fax lucida cælo,  
Quæ sparsum illustret nocturno lampade corpus.  
Quo monstro attoniti ciues, quum postera primum  
Titoni croceum linquens aurora cubile  
Effulsit terris, collectos vndique tollunt  
Componunt quæ artus vna, condunt quæ feretro.  
Hic maius sequitur, vidit quod nulla vetustas  
Prodigium; coihere artus, mirabile dictu,  
In quæ abiire suam nullo cogente figuram.  
Prima redit facies superum vi, nulla cicatrix,  
Non vllæ plagæ manserunt, viuere dicas:  
Frigida ni rigeant immoto corpore membra.  
Protinus audita re, monstro quæ excita tanto,  
Circumfusa ruit late Cracouia tota:  
Et ciuis, Casimire, tuus: studio quæ videndi  
Huc omnis populus, vicina quæ confluit ora.  
Mirantur, coiisse artus diuersa quæ membra,  
Quæ nuper disiecta agros videre per illos.  
Agnoscent veterem faciem, diuam quæ figuram,  
Pontificis quæ sui vultus: si vita maneret;  
Attoniti quæ stupent: illum hic, hic aspicit illum,  
Si credant sibi, quæ coram cernunt quæ, vident quæ.

An Rex immanis rursus tela impia sumes?  
Sacrilegas quæ manus superis infensus & æthræ

F

Intuleris

Intuleris demens, diuum & miracula solues ?  
Inque anima cassum tua strinxeris arma cadauer ?  
Quanti olim infelix, heu quanti optaueris emptum  
Pontificem intactum, & sacrum seruasse cruorem ?  
Mox regno, breue tempus erit, depulsus auito  
Lugebis tua facta exul, tecta extera quærens.

Condere corpus humi, sanctumq; inferre sepulchro  
Tempus erat, nullo ne magnus honore iaceret  
Martyr : magna licet populo spectare libido  
Præfulis ora fui, nec se satiare videndo  
Attoniti possint : aut fixa cadauer in ipsum  
Lumina, & intentas valeant auertere mentes.  
At tandem dant corpus humo, viliq; locatus  
Aggesta è terra tumulo Scepanouius heros  
Maximus, exigui iuxta iacet ostia templi.  
Non illi populus dare marmoris ausus honores,  
Non intra delubra illum tumulare Deorum,  
Non lugubre canunt : tumultum nec carmine signant.  
Talia si faciant, sæuum timuere tyrannum,  
Funestasque manus : iterum ne dirus in aras  
Irruat, & clausa manes disturbet ab vrna :  
Pontificemque suum videat Cracouia centum  
Sectum in frustra iterum, discerptaque præfulis ora.

Non hæc finitimas tantum vulgata per vrbes  
It fama, & crudele nefas. non frigidus axis,  
Nec soli hoc septem funus fleuere triones :  
Res late exierat, populoque audita Latino est,

Hesperisq;

Hesperieque omni. iam Tybridis accola luger ,  
Romuleusque pater, vasti datus arbiter orbis,  
Terrarum cælique potens, nigræque gehennæ,  
Ingemuit cæde audita, lachrymasque profudit :  
Excideratque ægro prope vertice sacra tiara ,  
Dextraque vix sceptrum tenuit ; cubitoque moratus  
Incumbens, humeris heros caput exerit altis  
Turbidus : & mixta lachrymis sic intonat ira.  
Ergo crudeli Rex barbare cæde tulisti  
Pontificem & cælique virum, templique ministrum &  
Diuorumque domos temerasti martyre cæso &  
Irato pœnas olim Deus ore repositat ,  
Et des crudeles, crudelisque exigat orcus :  
Regali interea nobis spoliandus honore es.  
Continuoque omnem, qua se Istula fluctibus infert,  
Sarmatiam diri Regali iure tyranni  
Edicto soluit sacro : populumque, patresque,  
Liberat imperio, Regaleque sustulit ostrum :  
Iusque Boleslao Regni, indignatus, ademit.  
Ferre nefas sceptrum, capiti que adhibere tiaram  
Esse iubet : dirisque caput stygiæque paludi  
Deuouet, extinctisque canit mala carmina flammis :  
Præsentans illi tenebras noctemque profundam.

Talibus immanis factum crudele tyranni  
Castigat, cædemque pater Romanus inultam  
Haud finit : & fuscum non olim impune cruorem

Pontificis iusta percussus vindicat ira.

Præterea sacris imposita silentia templis.

Non fas pontifici solennes ducere pompas,

Non canere ante aras, vocesque attollere cælo.

Murmurat in templo demissa voce sacerdos,

Valuarumque homines obiectu submouet aris.

Pulsa nec excelsis resonant in turribus æra,

Temporibusque suis populo dant signa vocato,

Luce sub extrema si quem sua fata vocarunt,

Non decus inferiæ, non vllos funus honores

Ære tulit pulso: nec mœstis vocibus hymnus

Placauit manes, veniamque poposcit Olympum.

Conduntur pura morientum corpora terra,

Indecoresque iacent quocumque in puluere ciues,

Auratumque equitem marmor non claudit auitum.

Hic quoque cernere erat, populos discrimine nullo

Ire, iugo postquam excusso spreuere tyrannum.

Vulgus honoratis, commistaque ciuibus it plebs.

Non dominum glandem ructans agnoscit agrestis

Armatus sude ferrata, non vertice nudo

Cerdo magistratum meritoque affatur honore.

Cuncta ruens, sine more furit lasciua iuuentus,

Nulla olli sat clausa domus: non vectibus vllis

Defensæque nurus, castæque fuere puellæ.

Scilicet irrumpunt magnæ in penetralia Vestæ,

Intactos thalamos, & sacros diis Hymenæos

Ausi polluere, an sanctumque auferre pudorem.

Accinctus



Accinctus ferro pauper locupletis in ædes  
Currit hians prædæ, gazamq; fatigat auari.  
Importuna animos mendicis addit egestas.  
Ius erat in dextra, quo fert sua quenq; libido,  
Irrumpit demens, campo grassatur aperto  
Securus latro pœnarum, & carceris atri.  
Qua fert cunq; pedem trepidat cum fasce viator,  
Prætentaq; notis ludentibus expauet umbras:  
Prædonem metuens ramo latitare sub omni.  
Non noctem ciues horrent, tenebrasq; ruentes:  
Lucc furens media stricto ficcarius ense  
Irruat, atq; palam quemcunq; impune trucidet.  
Non fora, non leges, non iudicis ora seueri,  
Non vlli fasces metuuntur: vi geritur res.

Hos motus, quos ipse malis exciuerat ausis,  
Arce Boleslaus nequicquam spectat ab alta:  
Et spretus vana sine viribus æstuat ira.  
Qui modò Sarmatiam late tremefecerat omnem,  
Et fortes sumptis terrebat Theutonas armis,  
Aruaq; possessio septem subiecta trioni.  
Hunc nunc impauidi breuia intra mœnia ciues  
Contemnunt, coramq; audent excire tumultus.  
Et quod triste magis, quodq; exitiale tyranno:  
Consilium procures agitant, omnisq; senatus:  
Ponere Regales fasces, & sceptrum negantem:  
Seu perdant ferro, seu captum in vincula ducant.  
Ferre Boleslai iam dudum dura nequibant

Imperia exosi, & nullis tolerabile Regnum.  
Non hoc grande malum diri crinita cometæ  
Præluxit fax vlla, leues quæ sydera vates  
Conscia factorum dicunt, casusq; futuros,  
Regnorum excidia, & Regum portendere cælo,  
Cladesque, stragesque, atq; illatabile bellum.

Ergo vbi se primo sensit rumore petitem  
Insidiis, cecidere animi, nec conscia tanti  
Mens sceleris sterit: inuicta non pectore virtus.  
Quid faciat Rex infelix? cui Regia non est  
Tuta sat iratis patribus? subeat ne periculum?  
Cogitat instanti se se subducere fato,  
Molitur tacitamq; fugam, Regnoq; relicto  
Cum paruo ratus exilium sibi quærere nato.  
Pannoniam venit, Regemq; petiuit amicum:  
Eiectum regno quem quondam in sceptrâ reduxit.  
Illic non aurum, non illic Regia Gaza,  
Non structiue tori, non alta palatia desunt:  
Ille modò exposcat, non vlla negata voluptas.

Hic primum sceleris memori, cum sæua quierunt  
Corda Boleslao, positoq; insana furore  
Excessit rabies: & pristina reddita mens est.  
Multa mouens animo turbato pectore fatus,  
Heu quid, ait, volui miser? aut quis me impulit error?  
Sanctum pontificem, diuum, sceleratus, ad aras  
Sacrilega occidi dextra, corpusq; sacratum  
Centum in frustra amens secui, sparsumq; per auras  
Vulturibus

Vulturibus canibusq; dedi crudelis in escam.  
Quis Deus huc adigit, demonūe? quis abstulit ægro  
Mentem animumq; mihi? quin protinus ima dehiscis  
Terra? nigrosq; aperis manēs, Acherontaq; dirum?  
Dicis Regna patris, multo loca sulphure fata,  
Et pœnis, quas promerui? quin terra dehiscis?  
Et me tergemini viuentem mittis in ora,  
Infaturata canis? mactandum rictibus illis?  
Aut tu fontem animam hanc cælo indignatus ab alto  
Funde pater dextra, & sæuo me fulmine tolle.  
Talia iactabat, mortemq; miserrimus vltro  
Polcebat, lachrymisq; genas foedabat & ora:  
Ilia concutiens gemitu & singultibus ægra.  
Non epulas capere, aut speciosum haurire falernum  
Deliciæue iuuant vllæ, cantusue, lyraue.  
Absque cibo solem, & stellas videt absq; sopore.  
Exagitata malo mens non capit ægra quietem,  
Humida nec grauido nox prensat lumina somno.

Visa animum interea ludunt, & corpore cassæ  
Ante oculos media volitantes nocte figuræ.  
Heu, qui non acies, qui non modo tela timebat,  
Non truculenta ducum mediis in millibus ora:  
Hunc vanæ species atq; irrita terret imago.

Hinc tristis sæuas agitans in pectore curas,  
Consilij ignarus melioris, seu Deus vltor,  
Seu cœca impulerat vefania, mentis inops Rex,  
In syluas abiisse vagus lucosque profundos

Fertur:

Fertur : & à canibus vestigia nota securis  
(Queis rabiem Deus & sævas immiserat iras)

Interiisse suis, factus miser, esca ferarum :

Dente truci laniatus, humi ferus occubuit Rex.

En memores iustosque Deos ! quæ funera sanctis  
Manibus , insonti quæ animæ ferus ille pararat ,  
Hæc eadem patitur , sparsusque cadauere toto  
Atra canum infelix rabidorum viscera complet :  
Semianimesque feris trepidant sub dentibus artus.

At tu magne toros pater ô Scepanouie sacros  
Sede tenes celsa , & positus stas aureus aris.

O patriæ tutela tuæ , cui Sarmata largum


Thus adolet , septemque genuflexere triones :

Et sæpe ereptis discrimine ciuibus olim,


Plurima cui totis pendent donaria templis :


Placatum precibus supremum redde tonantem

Sauromatis, cunctisque tuos defende periclis.









7337

6469  
5



